

陳山聰前晚率領劇集《反黑英雄》演員錄影扮嘢節目，原本有份出席的袁偉豪以家中有事為由臨時缺席。育有一子的山聰表示現在是搏殺期，加上年紀不小，與太太商量後決定專心培育兒子成才，無意再生小朋友，一個夠晒數！

幫袁偉豪平反 演奸角唔使有型

集中培育囡囡 陳山聰老婆封肚

無綫綜藝節目《福祿壽訓練學院畢業 Party 感謝祭》前晚錄影，劇集《反黑英雄》演員陳山聰、姚子羚、袁偉豪 (Ben)、朱晨麗等擔任嘉賓，不過 Ben 臨時缺席。據知，Ben 的囡囡發高燒至 39 度，他要照顧囡囡才被迫甩底，原本他都想出席活動，不過工作人員叫他專心照顧囡囡，才打消念頭。

山聰表示代表《反》劇宣傳，加上應該將機會留給後生仔，故他不用「扮嘢」，但自爆在家中經常扮「牛牛」給囡囡騎，並指囡囡愛扮蜘蛛俠。他說：「囡囡 7 月 1 日 4 歲生日，到時會一家人食飯慶祝。（送個細佬或妹妹畀囡囡做生日禮物？）佢唔會悶，日日過得精彩過我，星期二至六都要學嘢，上英文、數學、畫畫、學琴，同埋佢最鍾意嘅跆拳道。我唔係怪獸家長，每日分配一小時畀佢上堂，唔會日日都係玩。」他自覺年紀不小，現時是事業搏殺期，和太太商量後，覺得不如集中火力培育囡囡，一個小朋友夠晒數。

郭珮文懶理 Hater 留言

對於 Ben 被網民指衰老，山聰說：「佢演大反派，唔係靚仔形象，我都睇《新聞女王》演過弱智



跟導師阮兆祥、王祖藍及李思捷合照。

爸爸，大家都係專業演出，所以唔擔心佢。」問到是否當了爸爸後容易疲憊？山聰指 Ben 在上海時好精神，又指 Ben 拍《反》劇時同時忙拍另一劇，希望為他平反。談到《新聞女王》將拍續集及電影版，山聰表示有機會也想和佘詩曼合作。

於節目中擔任「扮工室助理」的郭珮文表示喜歡 Cosplay，但怕麻煩，以前萬聖節愛扮搞笑角色，後來則走性感路線：「因為只得呢一日性感唔會俾人鬧。」問到被誰罵？她指很多 Hater 會留言，已習慣不會回覆：「唔想令 Hater 覺得我俾啲留言刺激到。」



郭珮文愛玩 Cosplay。



陳山聰與朱晨麗上節目宣傳《反黑英雄》。

詹天文 鍾柔美 宣布演唱會加場

「聲夢小花」鍾柔美 (Yumi) 和詹天文 (Windy) 昨日現身《音樂出沒 Let's play together》演唱會加場發布會，宣布 7 月 19 日加開一場，無綫高層樂易玲專程到場支持。雖然姚焯菲 (Chantel) 因身在新西蘭未能出席，但以電話方式和現場所有人分享心情，她更預告下星期回港。Yumi 和 Windy 受訪時，被問可會以新形象示人？Windy 說：「我哋都有同監製反映，但今次場騷始終都係三個人，所以嚟造型上都一定要有啲融合。」

提到樂易玲在活動上致詞時強調做人不要忘本，Yumi 和 Windy 都表示「不忘本」好重要，Windy 更稱：「尤其是做呢一行，我會成日提點自己唔好忘記初心。」



詹天文 (左) 與鍾柔美很開心演唱會加場。

阿余主力留港陪母親

佘詩曼昨日在港出席時裝品牌活動，她透露近日從廣州拍完廣告回港，故未能出席日前舉行的《新聞女王》電影版發布會。問到戲中會遇上幾多個敵人？她以「Man 姐」口腔說：「出嚟做嘢，總有敵人、朋友，係正常社會。」提到阿余母親身體抱恙，她透露母親正努力對抗病魔，希望能盡快康復。問到是什麼病？她說：「唔舒服囉，唔想畀老人家壓力，希望大家明白。」她表示現時會首選在香港的工作，因想多點時間陪母親。



阿余頻頻揮手，態度友善。

唐詩詠想搵終身伴侶

唐詩詠與林德信昨日出席活動，分享如何關注自身精神健康。詩詠受訪時被問有否拍拖？她笑言：「都想，但以前係未了解清楚就拍拖，依家了解自己，想搵個溝通到又幫我解決到問題嘅終身伴侶，希望繼續努力去搵呢個人。」提到她越住越豪，由細屋搬到海景大屋，詩詠笑言：「搬咗好耐，只係多咗自己嘅空間同時間，都畀爸爸多啲空間，其實係隻貓最開心。」她又稱可以一星期不外出，最大娛樂是煲韓劇：「但越睇就越想搵到個屬於自己嘅男主角。」



唐詩詠與林德信很關注都市人情緒問題。